

華東卷

【上編】



地

方

志

人

物

傳

記

資料叢刊

國家圖書館編

北京圖書館出版社

【華東卷】

上編

第七八冊

地方志人物傳記資料叢刊

國

家

圖

書

館

編

北京圖書館出版社

第七十八冊目錄

(乾隆)興化府莆田縣志

人物志	一
理學傳	一五
名臣傳	五七
忠義傳	六六
風節傳	八三
清修傳	九七
儒林傳	一〇五
文苑傳	一二一
列卿傳	一二八
仕迹傳	一六三
孝友傳	一七一
隱逸傳	一七四
鄉行傳	一七九
人物志	一七九
清	二〇三
武烈傳	二〇九
方伎傳	二一一
仙釋傳	二一一

(乾隆)僊遊縣志

人物志	二一九
名臣	二二六
風節	二四五
忠烈	二四九
清操	二五五
仕迹	二七五
義勇	二七九
儒林	二八六
文苑	二九四
孝友	二九四
鄉行	三一一
隱逸	三一四
流寓	三一六
耆壽	三二一
武功	三二五
仙釋	三二九
方伎	三三三
人物志	三三一
(乾隆)永福縣志	三三一
理學	三三四
名臣	三三四
儒林	三三四

孝友	三三六
隱逸	三三八
義烈	三四〇
義行	三四二
耆壽	三四三
仙釋	三四六

(民國)永泰縣志

列傳	三五一
唐	
宋	
元	三五三
明	三五四
清	三五五
儒林傳	三六〇
文苑傳	三六二
獨行傳	三六七
孝友傳	三七六
忠義傳	三八三
循吏傳	三八八
方技傳	三九四
流寓傳	三九五
方外傳	三九八

(民國)閩清縣志

列傳	四〇三
儒林傳	四一二
文苑傳	四一四
獨行傳	四二四
孝友傳	四三九
方技傳	四四七
忠義傳	四五一
循吏傳	四五二
流寓傳	四五五
方外傳	四五六

(民國)長樂縣志

列傳	四六一
名臣	
儒林	四七〇
循績	五〇五
文苑	五二三
忠義	五三二
節概	五三八
孝弟	五四一
義行	五五〇
隱逸	五六一
流寓	五六三

方技	五六四
方外	五六九

(民國)平潭縣志

列傳	五七一
忠義傳	五七四
文苑傳	五七六
獨行傳	五七九
孝友傳	五八〇
方技傳	五八三
名宦傳	五八四
方外傳	五八七

(嘉靖)惠安縣志

人物	五八九
唐	
宋	
元	五九三
明	五九四
節婦	五九七
人物附錄	五九八
(民國)德化縣志	
人物志(上)	六〇一

忠烈

鄉賢	六〇四
----	-----

治行	六〇五
----	-----

文學	六一〇
----	-----

孝友	六一五
----	-----

鄉行	六一九
----	-----

人物志(下)	六二六
--------	-----

隱逸

僑寓

方技	六二七
----	-----

釋道	六二九
----	-----

耆壽	六三〇
----	-----

(乾隆)長泰縣志

人物志	六三九
鄉賢傳	
芳躅傳	六四六
偉人傳	六五二
孝行傳	六五三
義行傳	六五五
勇烈傳	六五五
流寓傳	六五六
隱逸傳	

(民國)龍巖縣志

列傳.....六五九

宋

明.....六六〇

清.....六七二

儒林傳.....六七七

文苑傳.....六七九

高士傳.....六八五

孝友傳.....六八八

忠節傳.....六九二

良吏傳.....六九五

義行傳.....七〇五

方技傳.....七一

流寓傳.....七一四

方外傳.....七一六

(道光)漳平縣志

人物志.....七一九

名宦

寓賢.....七二一

理學.....七二二

儒林.....七二三

循吏.....七二四

忠節.....七二五

孝友.....七二六

義烈.....七二七

文苑.....

隱逸.....七二八

義行.....七二九

節孝.....七三〇

仙釋.....七三一

(同治)寧洋縣志

鄉賢.....七三三

列賢

鄉善.....七三七

流寓.....七三八

興化府莆田縣志卷十六

人物志

人材爲山川靈氣發生而人材之多山川又藉以輝映所謂地以人重也莆田僻處海濱齊名鄒魯非人物彬彬故與蓋肇於唐盛於宋尤盛於明及我

國朝蔚焉繼起正學興而名臣儒者相望忠孝著而事業文章煌然赴義如飴潔身恐後公隱幽

人鄉稱善士咸斑斑可考家貧讀書有由然矣

興化府莆田縣志

卷十六

人物

一

至於方外奇踪閨中懿則其可傳者不又多乎哉分類臚陳表人傑也益以見地靈仰止景行之思於是乎在作人物志

理學傳

宋方峻字景通天聖八年進士爲建安簿景祐初試

一秘書郎福州司理嘉祐中請老分司南京居于家

榜所居曰植德堂堂之南曰小隱聚徒講學嘗於

所居東北鑿井旣及泉峻橋曰願子孫官居清白

如此水初峻官潤州職程頤及卒論之子願爲狀

其行又托范祖禹爲撰神道碑長子士寧字彥昌少聰敏強學度歷六年進士爲劍浦尉有治績三司使蔡襄薦其才官至都官郎中

方元案字道輔峻次子元祐六年特科出身少與程伊川願同遊潤學至老書問不絕家藏伊川手札云比得二書皆有與世背馳求合古聖賢之語足下非混俗之流其志道之士乎願愚無他能斷斷聖人之道有年矣非徒自盡其心而已思欲天下之心吾心也故因足下之言探足下之意欣然不

興化府莆田縣志

卷十六

人物

二

能已願足下精心致志期於至而後已聖人之道坦如大路學者得其門而入無遠不可到也足下由經以求道勉之又勉異日見卓爾有立於前然後不知手之舞足之蹈不待勉而不能自止矣官終威武節度推官

黃君俞字廷僉校書璞之元孫也父問字公裕博通五經創上林義齋以聚英俊之士立爲五規一曰修身謹行二曰立志抗節三曰潛心經術四曰蓄意世務五曰限日收功卒左丞皇甫泌諫之曰義

成逸士君俞幼強學著書一百卷多動京師試開
封進士第一四黜禮部卿辦藤甫王珪陳襄等交
章論薦召試舍入院除國子監直講改館閣校勘
卒

黃頴字仲實常從陳襄學于毗陵襄愛其文行置于
經社孫莘老治廣德頴援詩疑義以問莘老奇之
元祐間舉經國行修科時天下弗就者二人頴其
一也哲宗以莘老至問適莘老爲中丞因條其學行
以對詔降勅第就其家起之始調清溪尉轉知長

興化府莆田縣志

卷十六

人物

王理

泰縣修治學舍無一不備晨始邑事日中與諸生
講肄經旨逮暮而歸文以職田穀三百餘石與耕
民悉不取尋權龍溪尉卒三縣士民齋金以贖其
子公坦一無所受公坦宣和六年進士官通直郎
林光朝字謙之少有聲場屋間再舉體部不第不復
以得失爲意聞吳中陸子正嘗受學於尹焞因往
從之游自是遂專心聖賢踐履之學凡一言一動
皆足爲時矜式四方從學者歲必慮數百人平生
未嘗著書其於聖賢微旨有得於師傳者惟口授

興化府莆田縣志

卷十六

人物

王理

學者使之心通理解嘗曰道之全體存乎太虛六
經既發明之後世註解固已支離若復增加道逾
遠矣孝宗隆興元年光朝年五十始以進士及第
授左迪功郎袁州司戶參軍未上乾道三年龍大
淵會觀用潛邸恩俸進光朝以名儒召對頗及二
人罪由是改左承奉郎知永福縣而大臣論薦不
已五年召試館職爲秘書省正字兼實錄院檢討
官六年四朝會要書成遷著作佐郎進國子司業
九年出爲廣西提點刑獄淳熙元年移廣東會茶
寇自荆湘剽江西薄嶺南其鋒銳甚光朝督兵遮
擊連敗之帝聞之喜曰林光朝儒生乃知兵耶加
直寶謨閣召拜國子祭酒兼太子左諭德四年帝
幸國子監命講中庸帝大稱善賜金紫不數日除
中書舍人兼侍講是時吏部郎謝廓然由會觀薦
賜同進士出身除殿中侍御史命從中出光朝愕
然曰是輕臺諫差科目也立封還詞頭天子度光
朝決不奉詔改權工部侍郎請外以朝散郎充集
英殿修撰知婺州引疾提舉江州太平興國宮年

卷十六

人物

五
理

林亦之而下皆推讓焉一第而天官止懷安丞陳士楚字英仲少篤志問學登乾道八年進士調臨江戶曹以國子監簿召對孝宗獎其誠實紹熙初直經筵講周書無逸知稼穡之艱難乃逸章其說曰百穀麗于土莠萌旣敷方有實三農力于田莠草旣陈方有秋以喻小人有妨君子之意孝宗傳諭曰陳直講說書議論精詳理致深奧誠得師儒之道除右侍郎右史退葺御書閣扁陽春堂揖壺樓觀稼亭音宸筆揮洒慶元改元除侍講林希逸

興化府莆田縣志

卷十六

人物

六
理

方翥字次雲峻孫元家子幼孤多所通解書過目即貫穿下筆有軌語從兄畧作萬卷樓儲書千二百筭語翥曰次雲才性不出戶十年可移吾書入肝膈矣登紹興八年進士第調閬清縣尉到官未一載歸闔戶十八年盡讀其書無于進意有旨召對除秘書省正字凡九月以風聞論事聽外補卒于家初翥與林艾軒光朝俱在錢塘艾軒喜李太白石曼卿之爲人又愛晉人風度不入俗調翥曰此興化府莆田縣志卷十六人

端毅學緒稱履齋先生姪符字子約亦受學於朱
文公爲作序說第慶元己未進士文公寓書大壯
自將清苦自勵窮達得喪惟命之安歷潤衢二州
教授知瀏陽縣通判徽州未上卒

鄭耕老字穀叔父安正嘗築書堂率子翁講學其中

時名士多從之游耕老登紹興十五年進士授

懷安主簿母喪服闋調溫州法曹改明州教授四

明自熒蕩之後學陋教弛耕老更營學區爲講說

時有以通經術薦者召見奏言太祖嘗問趙曾曰

興化府莆田縣志

卷十六

人物

七

天下何物最大由道理最大知道理爲大則必不

以私意而失公中孝宗悅親擢國子主簿添差福

建安撫司機宜文字滿秩徑歸南陂素厭聲律浮

靡諷詩易庸範語孟味其深微皆有訓釋榮利澹

如也卒年六十五兄箕老特奏名

劉夙字賓之莆田林光朝倡聖賢踐履之學夙與弟

朔師事之得其傳夙擢紹興二十一年第歷臨安

府教授以弟朔爲溫州司戶迎母游氏就養因乞

與溫州教授莫中兩易以便親從之作養人才多

所成就陳傅良以諸生見夙賞重之果以文名孝

宗卽位召對除樞密院編修官以親老屢求去無

何兼國史院編修官夙曰求去以便私也美職可

因而得乎力辭不就除著作佐郎輪對首論駢射

近侍備淮三事又以江浙水奉詔陳得失乃上疏

曰陛下與會觀龍大淵華觴詠唱酬字而不名罷

宰相易大將待其言而後決嚴法守裁僥倖當自

官掖近侍始又及黃門溢格宰相臺諫不振及謹

邊防辨才德凡六事丐外章再上以爲周湖北路

興化府莆田縣志

卷十六

人物

八

安撫司叅議官以興化猶剩米病民請盡蠲之乾

道元年以親老丐祠主台州崇道觀三年金知衢

州轉奉議郎奏劄論舒民力罷貢獻辦君子小人

在州期年政苛訟簡會觀觀劇費金正旦道衢謁

夙不納復求去徙知溫州明年引疾歸南一年卒

是歲王龍學龜齡芮司業畢俱卒而夙復繼之呂

祖謙悼以詩曰諸老收身盡佳城又到公蒼天那

可問吾道竟成窮旌捲莆田雨簾橫雪水風今年

襟上淚三滴萬夫雄林光朝答士友慰吊之書有

云賓之愛君約於愛親愛國過於憂身古有遺直
今難其人其爲一時名賢所推重如此夙二子彌
正彌邵彌正淳熙八年進士嘗爲朱子定謚曰文
韓侂胄兵禍萌非使彌正如兩淮還言無故而先
發天理不順無豫而輕舉人謀不從侂胄怒官終
吏部侍郎

劉彌邵字壽翁夙方盛年歿家貧有書數厨彌邵慨
念先澤卧起其間不爲舉子業惟以學古爲心自
六經以下莫不抄纂考論古今斷制義理一以洙

興化府莆田縣志

卷十六 人物

九 理

泗關洛語爲法郡守楊棟創尊德堂於學宮以處
之及棟提點福建刑獄復薦于朝未報卒年八十
二彌邵性狷介嘗質經於陳必評史於鄭寅問易
於蔡淵自是之外罕與人接臨卒猶爲諸孫講張
栻集解孟子一章所著有易蒙漢考等書藏於家
子成有傳

劉朔守復之夙第經與三十年試禮部第一廷試甲
科訓溫州司戶叅軍屬歲饑疫火焚千餘家守表
手以朔董其事饑者與粟病者與劑寒濱次者與

祔被以藥裹粥釜自隨所活數萬人孝宗初立與
林光朝同召對曰陛下何不延納憤激敢言之士
而聽訐直難堪之言因以自考察成敗得失且及
曾觀龍大淵罪狀改宣議郎知福清縣以至誠待
民聽訟無留滯市食掛錢於門民當其物持錢而
去會病作請祠歸再召入對時虞允文贊孝宗恢
復世多嚮之朔極諫以爲宜選兵將廣儲時責成
於端重堪事者從容以待其變不可憑虛蹈空過
爲指撻決天下於一擲孝宗悚然免試除秘書省

興化府莆田縣志

卷十六 人物

十 理

正字以疾丐外除福建安撫司叅議官行至信安
傳舍卒朔與其兄夙皆爲時望所推學者輻輳其
門夙性挺特不以色假人朔則濟以和易至於輕
祿位而重出處厚名義而薄勢利盡言於朝盡心
於官飭廉隅公是非殆不相讓云朔二子起晦宇
建翁淳熙五年第知貴溪縣召試秘書省正字
兼益王府教授時望識者謂其材行不忝於
其父而帝官指爲僞學劾罷之起世擢慶元二年
第

黃補字季全潛後父端第紹興十二年進士歷惠州教授終安溪縣令補侍宦惠州時永嘉陳鵬飛適謫居于此因得師友之其爲學專用心於內不以世間利達少動其心已而教授于鄉及門者數百人時琳光朝講學城南補在城東幾與齊名乾道八年登特科授高州文學調高要縣尉卒有九經解等書

方耒字耕道仲宇曾孫少孤苦學弟于來禾皆自教之既而師事朱文公于建安乾道二年登第調潭

興化府莆田縣志

卷十六

人物

十一

州善化尉復謁張南軒杖拭深喜之謂世之可與共生歎同禍福者未一人耳後南軒帥荆南辟耒及游九言爲屬曰是二人者能攻吾過失耒感激知已遇事無隱改知連江縣卒禾字耕叟亦登文公之門文公以改過修己之方莫切於論語弟子入則孝一章禾佩服之

方壬字若水元案曾孫淳熙中遊太學往返建安必參謁朱于十四年擢第除長泰縣主簿朱子適守漳請壬主事壬條上講說課試差補等十事朱

子令屬邑皆倣之學舊取陂塘錢穀以廩士士以學校道義之地不可納無名之賦請於朱子以廢寺租代輸又請蠲僧寺子斗錢罷科茶錢皆如其言及朱子召還出大學章句付壬俾刻示學者明年龍巖有孽卒殺人獄吏抑同行者誣伏漳浦有僧斃於佃而鞠驗者皆曰服毒壬以郡委閩實抵卒及佃罪朱子聞之與壬書曰龍巖之行使無罪者不以冤歿有罪者無所逃刑此非細事秩滿除知寧鄉縣未土卒壬性孝友篤守家法與弟申居終始無間言家人議折先世田廬既具草壬流涕不忍視而止

興化府莆田縣志

卷十六

人物

十二

方士繇字伯謨父豐之工詩朱文公常稱其豪壯士繇早孤依母家邵武呂氏已而徙崇安從文公遊遂廢進士業直以學古爲事薰陶涵養日進高明門人推爲高第六經皆通尤長於易嘗以老子之言爲有激而世黜之太過佛雖夸而立志之堅亦有可取謂百家大抵多駁然亦不可掩其所長甚學詩間有所作亦青帽蕭散有集一卷藏於家

紹熙間文公之門人有至行在者公卿延致惟恐後士繇在遠聞之曰與時必爲學者禍未幾學禁果作其憂深慮遠名以此云

黃士毅字子洪自莆徙居吳不忌故鄉因號壺山幼知嗜學爲向上事業方慶元詆排道學士教徒步趨聞師朱文公命日親一書夜叩所見居數月授以大學章句終其身從事於斯著述甚富嘗類註儀禮撰次文公書說及文集語錄若干卷嘗言孔孟之道至周程而復明至朱子而大明識者以爲

興化府莆田縣志

卷十六 人物

主理

知言

陳宓字師復少登文公門長從黃幹遊以父俊卿任歷泉州南安鹽稅知安溪縣嘉定七年入監進奏院時因旱求言必上封事言宮闈儀型有所未正朝廷極柄有所未一政令刑賞多所外逆若能交爲內外一正紀綱天且不雨臣請伏面慢之罪奏入丞相史彌遠不樂而中官慶壽三牙獻遣至是爲之罷却尋遷軍器監簿九年轉對言人主之德貴乎明大臣之心貴乎公臺諫之言貴乎直三者

機括所係願陛下幡然悔悟昭明德以照臨百官大臣臺諫亦宜公心直節以副望治之意指陳時政視前疏尤剴切焉宓遂請罷歸旋擢太府丞不拜出知南康軍諸史彌遠別彌遠曰子言甚切當第愚昧不能行然有愧耳至官歲大稔奏蠲其賦士之九曾流民羣集宓就役之築江隄而給其食時造白鹿洞與諸生討論政知南劍州大旱疫蠲逋賦十數萬且弛新輸三之一躬率僚吏持錢覈藥餌戶給之創延平書院悉倣白鹿洞之規改知

興化府莆田縣志

卷十六 人物

古理

漳州未行聞寧宗崩嗚咽累口遂請致仕寶慶二年除提點廣東刑獄不就以直秘閣主管崇禧觀卒初宓之在朝也寺丞丁炳往使金宓嘆曰國體未復何以好爲宓天性剛毅信道尤篤嘗爲朱墨銘謂朱屬陽黑屬陰以驗理欲分寸之多寡自言居官必如履重鄉居家必如陶潛而深愛諸葛亮身歟家無餘財庫無餘帛庶乎能蹈其語者端平初殿中侍御史王遂首言宓事先帝有論諫之直宜褒其身後以勸天下之爲臣者帝感勵詔贈

龍圖閣所著有論語註義問答等書並文集藏于家姪均字平甫力學好古足不出書室口不及世事以累舉恩當大對不屑就嘗參稽宋史及司馬氏稽古錄徐氏國紀李氏續通鑑長編諸書用朱文公通鑑綱目義例輯成宋編年舉要備要二書舉要猶綱也備要猶目也起太祖建隆庚申迄寧宗嘉定甲申凡數十卷端平初有言于朝者下福州取其書勅賜迪功郎不受所居容膝妻啼兒號處之泰然年七十餘卒鄭性之題其墓曰篤行君

興化府莆田縣志

卷十六

人物

五

子鈍齋陳公之墓

鄭可學字子上露後由鄉薦道武夸見朱文公從學自以稟性褊急於懲忿工夫尤力久之最稱得文公精要文公守臨漳賓禮可學以教其子弟晚年刪定大學一編曰此書欲付得人惟子上足以當之凡四方學者疑問多使可學是正而士友之南者必見可學而後行呂祖儉李孟傳廖德明皆敬禮之前後三奉大對嘉定四年始授忠州文學是歲廖德明帥廣招致郡齋湖南漕使曾舉檄攝衡

陽戶曹道卒初可學在臨安欲往見陸子靜或云吾子方學不可見陸見歸必學參禪文公頗是之所著有春秋博議

黃績字德遠沿裔兄績實慶二年進士績少凝重稍長棄舉子業慨然有求道之志始遊淮浙適叅諸老中年還里聞陳宓潘柄從黃幹得朱子學遂師事之與同志十餘人集陳氏仰止堂旬日一講宓柄卒績與同門友築東湖書堂請田于官春秋祀焉讀約聚講如三師時向之同門友人相與就正

興化府莆田縣志

卷十六

人物

六

於績故績雖布衣為鄉先生三十年郡守佐博士皆加敬禮焉晚間趙以夫作易通與之上下其論以夫謂為益友年七十一卒績與兄績皆與劉克莊善克莊目績曰愛友績曰畏友績以獨不懼名齋克莊為記所著有四書遺說等書藏于家

黃仲元字善甫號四如少刻志讀濂洛關閩書及文績所傳藩陳三師書摻次唐宋名人文凡二百四十二家或學為詩推重第咸淳七年進士歷除國子監簿不赴宋亡後更其名曰淵字天叟怡然窮

居深入理與文學擅予穀梁詩宗三百篇闡韋柳
州推廣先志尤嚴東湖之祠雖老不少廢年八十
三卒有回青講稿藏于家

鄭獻翁字帝臣少從鄉先生蕭猶學嘗與朋儕私自
較藝一日作三十餘論衆皆驚服咸淳元年進士
終漳州推官至元改物故官例起叙用而獻翁以
老病免方是時前輩舊德多已淪謝後生頗染習
俗獻翁獨以所學傳於人故家子弟猶賴之不墜
其業顧長卿兄弟皆出其門復與績之子仲元及
興化府莆田縣志卷十六人物

卷十六

人物

十七

理

其徒林應成倡仰止之學績東湖之祀闢田數十
畝爲春秋釋奠費年七十餘卒
元林以辨字于泉積仁裔祖汝大嘗受學於黃績得
潘柄陳宓之傳咸淳七年與長子棟同登第歷官
宗正寺簿宣撫司機宣宋亡不仕年七十二卒以
辨通易書春秋善說詩皇慶中詔以科目取士以
辨不苟求合宛心程朱之學福泉之士爭聘爲師
方在泉山一日促歸未浹旬卒年六十二朱文憲
稱其明效生之際云

興化府莆田縣志

卷十六

人物

十八

理

周瑛字梁石領景泰癸酉鄉薦屢上春官不第乃
益汎濫羣籍務鉤深探賾與南海陳獻章達左贊
欽上下其議論成化己丑始第進士知廣德州興
文教絕淫祠表忠事之忠而嚴不舉女之禁教民
有錄祠山有辨陞南京禮部郎中出爲撫州知府
興水利均輸納力行保伍之法權右或以爲不便
調鎮遠因俗爲政不鄙有其民以書滿歸省宏治
初起爲四川參政尋轉右布政使丁母憂服闋乞
致仕給事中楊廉吳世忠交章以學行薦竟不出
瑛丰神臞古其學不專於該博嘗作李氏義學記
曰人心無外以爲有外者非也聖人靜有以立天
下之大本動有以行天下之達道由體及用一以
貫之故始學之要在收放心收放心在居敬居敬
則心存聰明睿智皆由此出然後可以窮理所謂
窮理者非靜守此心而理自見也蓋亦推之以極
其至焉耳孟子曰萬物皆備於我矣此言人心無
外也不卽物以窮理其能盡此心之體乎故自性
情食息之微以及天地萬物之廣皆不可不求其

理積累既多自然融會貫通而於一本者亦自得之矣一本固非學者所且言然中庸有日喜怒哀樂之未發謂之中又曰上天之載無聲無臭至矣此譬如穀種雖自塊然而根苗花實皆具於此又如鷄卵雖自渾然而羽毛嘴距皆具於此及其發見於行事在聖人體用一貫在學者未免差互蓋在已者有所拘蔽故所發不無偏重之跡在外者有所搖奪故所施不無遷就之異然而既見本源則於處善亦安循理亦樂至於患難事變雖以

興化府莆田縣志

卷十六

人物

九

易生亦其心爲之此聖學之大畧也在南京時與人講邵氏蔡氏學著經世管簫律呂管簫又苦字學無師承乃博采諸說著字書管簫其他詩文有翠渠類藁若干卷管血黃仲昭同修興化府志議論間有不合自謂莆陽拘史云卒年八十九子孫見選舉志

黃仲昭名潛以字行成化二年進士選庶吉士授編修甫三月被命翰林官各賦元宵煙火詩且出舊製令擬進以進仲昭以其詞多俚鄙近供擬非

臣所宜爲與國官章職莊景共疏論之作旨廷杖左遷湘潭知縣一時士大夫有三君子之稱先是修撰羅倫亦以言事被謫又有翰林四諫之號已用給事中毛宏等言改南京大理評事卻隸卒催直有戶曹屬吏爲監倉大僚所構昭事下大理仲昭曰罪下官以媚大吏吾不爲也盜劫一婦共汙且鬻之法司以盜未得財止坐首惡仲昭謂盜汙良人當死且鬻而得直并財而何卒從其議署寺副連于內外艱服闋引疾弗仕者久之宏治改元

興化府莆田縣志

卷十六

人物

二十

御史姜洪等言仲昭學問淵源當召用時三原王恕爲冢宰奉詔起仲昭至京謁部恕及門迎之揖讓升堂相向再拜既而汪充纂修憲宗實錄官爲忌者所沮僅陞江西提舉僉事教人以行實爲先有奔競躁進者必以義命抑之樂貴游子弟無所假借以此不合於世再疏乞致仕歸仲昭氣所屹立好古自信嘗與陳獻章往來議論凡聖賢一言一行務求踐履之實平生著述羽翼程朱若辨易卦未濟春秋褒貶雅風升降及編次或問裁定通

鑑證異書法咸有發明又刊布冠婚喪祭之議以
示後學儒雅醞藉粹然一出于正矣萬歷間御史
黃師顏疏請仲昭從祀孔廟部議同蔡清羅倫先
專祀于鄉事蓋有待云所修有八閩通志延平邵
武府志南平縣志又與周瑛同修興化府志所著
有未軒集若干卷子孫科第見選舉志

宋端儀字孔時祖勸以太學生授沐陽訓導父汝勤
舉鄉貢授安州學正終國子助教皆名師儒端儀
自幼莊重簡默年十三四雅志慕古舉業之暇輒
興化府莆田縣志卷十六人物

取鄉先輩考論其世其於賢否邪正悉錄之以爲
法戒時郡守潘琴以郡學濫祀鄉賢發策問諸生
端儀品藻詳明潘大歎賞成化辛丑舉進士歷禮
部主客員外郎持身清慎諳練國典諸公咸器重
焉在主客四忝朝使以方物贊誠勿入或有求請
輒舉典故開諭之陞廣東提學僉事至則較行藝
課勤怠雖瘴鄉海島無不至其教人務以身表率
而痛抑浮誕奇險之習去取黜陟一以至公行之
士翕然知所嚮方矣年甫五十六卒官衆祀於學

端儀居家孝友動循禮法內外無間書性淳靜無
他嗜好惟一意耽學稽經訂史汎濫停蓄而於程
朱微言無不究極旨歸平生不作韻語間有議論
皆根據義理關係世教不規規藻麗之工而已所
著有考亭淵源錄莆陽人物備志鄉賢考證莆陽
舊事偶錄立齋閒錄祠部典故高科考備遺錄藏
於家子元翰宏治乙卯鄉試第一授潮陽知縣加
意民瘼仁恕愛利山賊曾鉅頭攻犯貴山江南等
鄉元翰討平之觸忤鄉紳陳洗坐事被逮士民醺
興化府莆田縣志卷十六人物

金佐行李者千餘人一無所受及事白罷歸衆乃
以所却金立祠

陳茂烈字時周先世浙之瑞安人成籍興化衛居郡
城梅峰髫年喪父繼戎役厲志邁俗不與羣兒伍
晝入公署夜歸讀書祖母憐其孱弱亟止之乃韜
燈默誦不少輟年十八慨然歎曰善學聖人者莫
如顏曾顏之克己曾之日省豈非學之法歟乃作
省克錄登宏治丙辰進士奉使廣東師事白沙陳
獻章獻章與之語累日且告以爲學須靜一又退